

Cavitates item, Cerebri scilicet per Ventriculos quatuor, duos priores sibi in vicem oppositos, si Cerebrum in duo separe Hemisphaeria ampliores & longiores reliquis duobus, & è Mente Th. Bartholini Lunæ falcatae non immērito assimilandos, cum plexu choroideo glandulis plurimis adornato, conspicuos: cæteris paribus, minoribus tamen, qvorum alter, posterior scilicet, Cerebello adscribitur, demonstrandas; Nasi etiam interiorem Cavitatem & Aurium in Os usq; petrosum excavatam; ut taceam Viscerum adhuc aliorum, Renum videlicet, Vesicæ Urinariæ cum Ureteribus, scroti &c. referimus. Huc qvoque spectant Vasa omnis generis, sanguifera, Chylifera, Lymphatica, spermatica, funiculi nervi, ligamenta & qvocunq; modo appellantur suis membranulis & glandulis iisdem intertextis constans in texturam firmiorem consolidata. Altera divisio succos omnes & Liqvores in toto Corpore Circulationi obseqentes, (seu sanguinem, seu Chylum, seu sperma, seu Lympham seu etiam humores excrementitios omnes intelligere velis, rectè fenties: cum nullus sit excludendus,) complectitur. Quantumvis autem partes modò recentia diversimodè inter se differre videantur, ex his tamen, fluidis scilicet, solidas construi, & qvotidiè etiam nutriti constat, & qvod magis mutuum quasi inter utrasque est vinculum, ita ut aliæ aliarum veluti auscultent querelas, hæc dum afficiuntur, & illæ sentiant, ac vice versa. Sed satis de his, non ignorabis jam, quicunque hæc leges, qvid sit subjectum Viscidi; Utrumq; & Denominationis & inhæsionis, qvâ potuit fieri, brevitate, ostendimus, sed cum Anatomia hæc sint, & plurimorum Calamis notata, facile excusabimur, si forte ad unius ejusq; beneplacitum fusius non fuerint explicata, verebamur enim ne Plagiūm à nobis committeretur Eraditum; unde Maievoli ansam reprehensionis captarent.

§. II.

Diximus in Paragrapho Octavo, Corporis Mixti è particulis diversæ figuræ, Magnitudinis, motus, & situs conflati, pro dispositione, modificatione & certis terminis, qvibus Textura ejusdem describi solet, soliditatem & laxitatem temperari, ita, ut vel spissius vel mollius existat; nondum tamen sic Viscidi nostri omne absolvitur punctum; scimus equidem materiale, cuius formalis ratio nobis